

T 3134 / 5030.81

6

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
FEB 9 1940

咸安縣志

藝文下詩
古蹟跋

(數)

哈佛大學漢和
圖書館珍藏印

卷之十二

藝文志下

四言古

贈馮文罷遷斥丘令人首

晉陸士衡

於皇聖世時文惟晉受命自天奄有黎獻圖闔既闢承
萃再建明明在上有集惟彥

奕奕馮生哲問允迪天保定子靡德不鏗邁心 曠然

志崇遐遵彼承華其容灼灼

嗟我人斯戢翼江潭有命集止翻飛自南出自幽谷及爾同林雙情交映遺物識心

人亦有言交道實難有顏者弁千載一彈今我與子曠世齊歡利斷金石氣惠秋蘭

群黎未綏帝用勤止我求明德肆於百里僉曰爾諧俾民是紀乃眷北徂對揚帝祉

疇昔之游好合纏綿借日未洽亦既三年若臨華陽山從朱輪方驥齊鑣比迹同塵

之子旣命四牡項領遵塗遠蹈騰軌高騁慶雲扶肩清風承景嗟我懷人其邁惟永

否泰有殊窮達有違及子春華後雨秋輝逝將去我陟彼朔陲非子之念心孰爲悲

祈雨二首

明王謨

皇矣上帝仁覆下土如何不惠降此荼苦自冬徂春無雪無雨播種違時蒸粒何取百姓皇皇籲天詡詡哀哉

今之人其將安撫

皇矣上帝胡爲亢陽雄風越俎颯颯塵揚雨師曠職久
卧汪洋惟帝軫念今復其常五風十雨西成穰穰哀哉
今之人庶免流亡

五言古

贈馮文罷遷斥丘令

晉陸士衡

昔與二三子游息承華南拊翼同枝條翻飛各異尋苟
無凌風翻徘徊守故林慷慨誰爲感願言懷所欽發軫

清浴泐驅馬大河陰佇立望朔塗悠悠迥且深分索古
所悲志士多苦心悲情臨川結苦言隨風吟愧無雜佩
贈良訊代兼金夫子茂遠猷款誠寄惠音

陳餘廟

明朱禮

信耳全智勇漢兵精復強轉鬪數千里其鋒莫能當長
驅入井陘萬騎如龍驤賢哉李左車多筭深且長謂言
守斯險二將悉可斬竒謀竟弗售坐待泚之陽無何大
將出未戰先奔亡空壘逐信兵疾若龍電光旣入背水

陣彼此相頡頏俄狀易漢幟歸騎皆倉皇悲哉成安君
身首各一方千秋過乾侯事往人已亡惟餘昔時廟猶
存舊封疆停驂不能去遺樹空蒼蒼

過魯昭公廟

安謙

驅車出東城高原聊逞眺鬱鬱見頽墻云是昭公廟陳
迹翳蒿萊霜風起寒燒世亂絕綱常日入無返照當時
千乘君幾爲匹夫笑感感羈旅魂茫茫不可吊千載同
傷感慨出中竅

成安君祠

安謙

秦皇旣失政及嗣同傾覆炎靈乃西駕五星聚其域君
侯適天時泚水令人惻子房亦爲韓張敖得世國落落
古祠荒淒涼寒城側儒雅不可依尚想丹青色積雨毀
空垣驚風日云見欲去中復留徘徊長太息

劉烈婦

李齊芳

浮生本有限造化終當還嗟彼城南婦一死重泰山遊
魂逐君子芳馨留人間丈夫虧節者聞之殊汗顏

登說法臺

汲人阮吉

梵宇傍林阿層臺倚簷際不見雨花人空餘布金地輝
輝慧月明冉冉法雲霽光寒逸思生塵遠境偏異暇日
對禪僧虛名愧匏繫

仰功祠

吳維東

未問邠公牛且割言子鷄葢爾一鄙邑備哉兩沙堤民
知懷製錦邠省重執圭梅花零落後蔽芾有棠梨

說法臺

張懋猷

水荒城郭浮郭盡見孤閣獨往暮天淨且用謝雜還此
臺几幾廢狗名費周匝簷低檻又逼俯視厭昏黯所忝
人天境殊不得開闔嗟哉此泥途秋風日蕭颯

七言古

勸農歌

明劉希尹

要飽食在深耕深耕五穀茂深耕百室盈幸遇時和春
雨足好勤農事苔昇平

要煖衣須務織絲帛出桑蚕繁息占春色幸遇家和雨

澤勺好採桑桑歌帝力

登說法臺

蔡可教

何年有此說經臺人道傳經佛子來記得吾生纔舞象
但見一丘斗大沒蒿萊倦游宦海歸來後忽見深林梵
宇開梵宇之南突高閣西山直與同崔嵬年來漳水遠
城郭一灣如帶山門迴龍潛蛟舞那可測爲雨爲雲徧
九垓吾邑大夫中土彥登高携我擔樽壘憑闌一笑吊
千古相嘲佛子胡痴哉萬方聾瞽已成癖金鐸當年空
震雷君不見千手有遺指千目有遺脉指脉愈多人愈
惑何如面壁遠塵埃塵埃本自靈臺起屏息忘言作聖
胎雨花不動諸天淨隱隱神光接上台

說法臺

吳維東

翟官人何須怒姬和尚償汝負刀頭左臂雪中身四大
非真久已悟花縣甘棠翦卽休說法臺邊漳水流臺西
北水西滸荒村古塔各二祖

昭公廟

吳維東

昭公死煬宮起煬宮銷滅幾千秋昭公之廟尙在此臣
爲車君爲螳局趣誰言勝奮當臨訣勞諸羈不克主雙
琥曲阜與乾侯總是他人宇子家而果忠何不抔隣土
掩寓公何爲復使夫人議溝議謚逞逆節而僂遺弓君
不見今古河流只向東公怒與河同

陳餘廟

吳維東

一鶴摩霄群鶴起關西鹿走關東喜誰從白馬渡黃河
大梁名儒陳氏子霸業只消馬筆成男兒肯作鴛毛死
惟底竒謀失左車看來頑福輪張耳湯沐千秋俎豆存
英風颯颯來泚水

鳳凰臺

吳維東

青蛇飛吟黃鶴舞煙霞客坐江湖主江邊湖上兩高樓
濡殺秦皇與漢武斥丘城北古土堆何人喚作鳳凰臺
何緣也在回翁駕應向邯鄲道上來落月啼鳴似昔時
新茶誰煮復邀誰蓬萊多少神仙塚問取通眉長爪兒

天寶塔

吳維東

君不見霧觀寺中翠堵波幾番倒影入漳河落成天寶
十三載鈴鐸纔懸鞀鼓過榻來郭李與安史忠魂迎骨
同銷磨游人但見天寶字爭唱元詞與白歌

漳河

吳維東

鹿谷欺崑谷清流化濁流秋水一以至涘馬忽爲牛尺
波泥五寸著處土肥脂害分利所倚任德先任怨况復
吐吞銅雀殘時呈古瓦韻騷壇等閒一旅軍其干隆準
真人渡也難嗚呼漳河賴者衆名號未崇神應恫華

運道自禹貢河濟江淮原伯仲

李明府招飲匡教寺登高

王孫昌

謫仙爲政澹無營坐對水絃鶴不驚有時桀翰鳥皮几
有時中聖竹葉清乾坤節序屬重九選勝登高向林藪
城南傑閣直切雲天門咫尺摘星斗磴道如經五丁開
捫蘿躡踏屐良久馮欄真箇小八寰何須天柱峰頭走
近水凝眸白練橫遠山閣筆丹青手礎杵薄空和鴈鳴
叫窳西風木葉吼齊梁燕趙結比隣茱萸掩映如泥酒

爲問當年說灑人
滄溟幾度變田
畝立雪斷臂事有無
一花五葉仍開否
今人徙倚古人臺
古人豈料今人來
今古分明傀儡場
石火電光轉盼哉
君不見龍山笑傲
孟參軍落帽風流
天下聞了不容思
詩滿箋才有高名
垂典墳又不見昔
日藍田崔氏莊
短髮白鬚任跡不
全憑性僻驚人句
迄今騰騰琬琰光
富貴功名見取米
獨有作者氣馮陵
賢侯結撰自不朽
學步邯鄲慚不勝
看溪此日留高蹟
千載還知我輩登

李烈婦歌

清南和張櫛

九月漳濱野草黃
涼風颯颯雁高翔
我來正值悲秋日
忽聞軼事忼慨泣
數行四座飲我酒
聽我烈婦歌烈婦
死倫非死愛不比
鴛鴦塚連理柯
烈婦死常非死變
不比南山鳥北山
羅世界靡靡如頽
波非此維之將奈
何上谷張家女長
操李氏帚一門偕
隱樂躬修父子兄
弟夫妻而師友鹿
車避地寓乾侯
倅繻佐讀志不苟
可憐原憲貧而病
何意斯人疾乃有
典衣裹藥每親嘗
籲天

求代類稽首夫死悲號不輟聲五日水漿不入口不願
人前稱未亡竟將貞骨殞柩傍浩浩氣同天地老烈烈
名爭日月光王君好賢能折節當此神氣頓飛揚絮酒
生芻躬拜墓力爲萬古扶綱常多士感此義矯矯上書
伏闕求旌表此自關今天下事果能行之益非小
五言絕句

鳳凰臺呂翁祠

明李三畏

鳳去臺陰杳仙過劍影留長川迷草樹一片白雲浮

成安八景

賈三策

太行遠翠

卧閣見西山嵐光真可掬何須封域中對此亦清福

漳柳晴煙

漳岸垂垂柳波光掩映鮮省耕飛渡水不暇看晴煙

法臺霽月

月上神光閣中宵萬籟寧徘徊非戀月月下好聽經

鳳臺瑞靄

仙詩曾指示今日來登臺鳳鳥隨仙去白雲往復來
斥城晚照

荒城日欲哺池水光浮動安得魯陽戈金烏從播弄
泮水洪鍾

尼父有金聲泮泮自曩日何必扣洪鍾叩之音亦啣
天齊春曉

東郊淑氣動露冕曉行春吏散天齊廟家家扶醉人
古塔清風

寶塔插天起風來暑亦涼勸農成野眺罨畫美田桑
成安懷古十首
王孫昌

衡漳故道
羸馬下枯漳懷袞憶禹王可憐洪水地茂草縱牛羊

乾侯驛

阜華今已萎車馬盛當年莫訝人情變寂喧地亦賦

昭公廟

尼大掉誠難鞭長腹弗逮廟破不堪棲旅魂今惡在

陳餘廟

耳兒不可赦羿罪豈能拋所以朱公叔挺狀著絕交
說法臺

大道本無言法從何處說築臺非祖心獨立少林雪
鳳凰臺

鳳清警蹕塵鶴下翔空羽祗爲訪盧生常留說呂祖
唐塔

浮屠百尺強締造傳天寶大行指嶺間山色入窓好
寇公廳

當年期會地寂寂訟庭開始信澶淵捷磨礮在此間
洪鍾

鏞眠古堞傍傳是前朝作闕寂本無聲擊之林木落
石獅

凋鏤憐匠心蹲踞亦天偶試問隱彭城如何威泮瀏
七言絕句

春晝偶書

宗寇準

白晝偶成芳草夢起來幽興有誰知
風簾不動黃鸝語
坐看庭花日影移

漳河雨後

明東祀謝榛

隔林啞軋來漢舫白鷺背人飛不高
却訝衡漳一夜雨
幾家村落生秋濤

贈陶孝子二首

王鈐

多少衣冠愧蓼莪江流滾滾奈時何
西村有子被簑笠
獨向漳涯回逝波

陶子至孝本天成非爲人間孝子名
今日縣宮端下拜
却交馬首擁村氓

贈劉明府勸農二首

王宮用

雲漢歌殘鬢欲蒼郊原雨霽日初長
鳴琴自有南薰調
可爲春農不下堂

流火新秋九月霜憂心獨有漢循良
滿城坐看花爭艷
不及高原陌上桑

過成安君祠

王世儒

慮敵難於常勝家將軍謀事似全差危機不許忠言破
空使英雄問左車

說法臺

賈恭

古迹沉淪是幾秋空臺惟有牧童遊如今臺上樓下尺
孕起文光射斗牛

過昭公廟

張崇恩

舊疆咫尺不生回颺雨空垣長綠苔楚客無勞傷往事
秋風日暮自堪哀

過魯昭公廟

徐臣

矢位如何懶寄公當年惟有子家忠可憐竟作乾侯夢
千載荒原指卧龍

過魯昭公廟

李齊芳

獨驅羸馬出東門廢宇頽垣近野村松檜不凋霜雪後
千年應有未招魂

鳳凰臺二首

蔡可教

鳳鳥何年集此臺太平有象在蒿萊君侯下馬求遺趾

多少漁樵祇浪猜

五色雲裳去不回
朱衣墨綬且徘徊
一篇傳記書珉石
計日還應有鳳來

迎祥觀古栢

蔡可賢

古栢森森道士家
上清宮殿鎖烟霞
參天黛色長千尺
不羨都觀裏花

古井

冷冽井傍城陰那
有風波變古今
抱甕往來者誰了

評羞機事與機心

吊寇萊公二首

李三畏

從容出守屹長城
南牧羶裘忽遞行
孤注猶來彼諧口
百年心事有誰評

曾憶當年恢相業
不知此地鬱棠陰
我今祠下聊瞻悵
愧與先生步後塵

過鳳凰臺

王二芳

霜野寒林木葉黃
行人立馬問純陽
有無鳳鳥當年事

千載令人說渺茫

過鳳凰臺

王允中

我亦邯鄲道上行平生原不愧盧英如何夢見黃梁
浪說回仙度衆生

天寶塔

張懋忠

轉眼重來二十一年山僧零落塔巍然秋風指顧都非
一派漳河萬井烟

樹裏漳河荒寺秋殘僧猶自問聖遊請看二十餘年
依舊西風塔上頭

塔門下瞰廢城阿城下茫茫走濁河况又西風吹落日
一二兄弟柰遊何

此塔居朕不壞因前朝風日客來類不知兄弟登臨後
更有何人來問津

魯昭公廟

王從禮

古道荒祠跡已陳寒雲衰草鎖秋旻行人莫向祠前過
一望蒼茫一搶神

成安君祠

王從禮

日落啼鳥如訴哀愁雲暗澹鎖層臺將軍莫抱圖王恨
劉季于今已作灰

說法臺

王從禮

碧殿山嶼帶紫霞上方鍾磬有僧家當年說法人何在
澹月殘雲幾樹花

達摩殿

王從禮

西來大道總堪尋面壁菴前問世音皎皎天邊一片月

清光印証折蘆心

鳳凰臺

喬撰

臺址將平鳳已空土人虛築寓仙宮肯將一覺邯鄲枕
使我神交赤鳥公

登說法臺

喬撰

大悲妙說幾經秋臺畔相傳竟未休一擲數珠推一齒
至今應有淚難收

成安君二首

喬撰

慷慨亾秦如虎踞井陘何事不饒奇青蒼有意歸隆準
肯使孤城抗帝旗

避銳圖讐美亦奇望深肝膽過相疑風號古柏雲籠戶
似恨當年刎頸時

成安君

李一德

古廟蒼松曙色浮陘雲泚水恨悠悠將軍不說興王事
伏臘于今幾許秋

魯昭公廟

李一德

誰作兒童餽馬歌乾侯客寄柰如何于今莫覓招魂處
風雨空庭草木多

陳餘廟

侯君擢

落落荒祠風雨推行人駐馬一徘徊祠前莫問將軍策
浩氣于今鎖碧苔

天寶塔

張懋勤

躋攀恨不月明中絕頂清光笑語同取路急歸城市裏
月明亦在小庭東

秋日王明府招登說法臺

清張樞

長隄南畔大河隈，傳是當年說法臺。
說法人今何處去，臺邊楊柳立蒿萊。

臨階下馬拂輕塵，佛閣同登眺遠晨。
是檻外衝章如練繞，四圍烟樹綠依人。

殿閣荒涼起暮鴉，數椽僧舍住農家。
壁間尚有蠶人句，醉墨淋漓對野花。

立雪斷臂都何用，說法傳衣渾是閒。
且共臨風酌杯酒，

倚闌長嘯看西山。

五言律

春日登樓懷歸

宋寇準

高樓聊引望，杳杳一川平。
野水無人渡，孤舟盡日橫。
荒村生斷靄，古寺語流鶯。
舊業遙清渭，沉思忽有驚。

過說法臺懷古

明王嶠

高僧雖已寂，往昔事堪嗟。
截臂刀橫水，屯腰雪聚花。
法衣傳四葉，梵宇枕千家。
金地聊回首，浮圖聳暮霞。

漳河有感

東郡謝榛

行經百度水祗是一漳河不畏奔騰急其如轉折多出
山通遠脉兼雨作洪波偏入曹劉賦東流鄴下過

成安道中

周在

斜日急征驄烟村杳靄中草枯狐穴出
秃鳥巢空陰
壑明殘雪驚塵暗黑風神京回首是何必哭途窮

贈孝子陶盤

魏博申燧

陶生今孝子塚上獨居廬祇念春暉逝那知歲月租陰
風時哽咽鳥鵲亦踟躕此義堪風世何人為表間

哭陶孝子二首

申燧

孝哉陶伯子孺慕竟捐生馴鵲真殊瑞居廬豈為名擬
將先聖禮抑爾過高情詎意徐君墓哀吞季子聲

策馬成安路相尋慰所思斯人胡遽殞天道似無知孝
至歸泉畢心應死不移平生稀墮淚為爾淚如絲

登鳳凰臺

吳一桂

寥落燕山外蒼茫沁水東時違先聖遠鳳去古臺空

彩丹青裏飛鳴想像中
獨鶴雀氣在常近漢王宮

靈臺霽月

汲人周鎬

真悟已超界空餘說法臺
禪心常照世月魄寄靈胎
霽色澄霄漢清光漾斗台
臺邊留古偈夜夜月還來

靈臺霽月

衛人劉希召

臺閣登臨霽青霄月色新
頓忘身在世恍若志通神
草樹原無相山河殆失真
堪憐迷復子流浪甚齊民

登說法臺

安謙

高閣諸天近登臨俯萬家
山川分趙魏衣袖拂雲霞
樹晴飛葉蓮峯夏吐花
帝鄉何處是時見五雲車

成安君祠

李齊芳

豪傑方歸漢孤軍擁趙城
論交何按劍報國有相生
故壘長河急荒祠斷碣橫
年年伏臘裏老穉一含情

登說法臺

劉漢卿

閣尚星斗近彷彿墜天花
振鐸僧何往飛空月已斜
雲浮世態落日遠山霞
風塵良可厭直欲泛仙槎

登說法臺

袁魁

飛閣天中起，凭欄俯萬家。
誰憐梯玉宇，吾欲食明霞。
南浦烟橫杪，東溟月吐華。
風來弄金鐸，擬過七雲車。

登說法臺

唐若彝

尚閣閒能眺，清秋望不迷。
村村依綠柳，步步躡丹梯。
檻外平沙濶，窓中遠岫低。
黃流吾所嗜，不惜醉如泥。

劉烈婦

蔡可行

城南有烈婦，鉄石是心腸。
一夕魂何在，千秋骨亦香。
雲

霄低紫巘水，玉傲清漳况。
值龍飛日鸞，書下草堂

成安阻水

汝陽傅振商

觀井促寒雨，濁漳新水秋。
波聲喧圻岸，雉影落中流。
浩渺飛星鶴，湮波歛客舟。
渡河止津吏，休楫玩輕鷗。

登說法臺

袁瑰

誰道龍山勝，茲樓勝事偏。
一樽酬令節，九日集群仙。
鴈度浮雲外，歌傳落日邊。
醉中誰紀興，拂壁和瑤篇。

登說法臺

王允中

重上神光閣晴嵐四面開碧雲生古殿綠樹隱仙臺靜
已忘塵想狂猶繫酒杯詩成頻倚檻隴麥送青來

說法臺

僧自何年去臺因說法存憑虛思往事吊古問空門草
暗傳衣地煙銷乞食村不知龍聽杏花雨尚翻盆

登說法臺

喬騰甫

東籬纔把菊南郭又登臺得句襟懷濶卸杯眼界開萬
山雲際出一水地中來徙倚諸天近秋空白鳥迴

過成安君祠

袁 蒐

將軍遺廟在下馬特相尋短徑埋幽草寒鴉噪夕陰雄
圖歸漢帝怒氣薄孤岑每遇風濤作猶聞鉄騎音

登鳳凰臺

袁 蒐

何年鳴鳳臺一上一徘徊靈境空悲嘯仙踪已劫灰枯
桐巢鳥雀斷礎長莓苔變幻成今古慙予作賦才

九日說法臺

侯君擢

不倦登樓日憑欄興益深天風鳴玉鐸慧日映珠林杯

泛黃花酒詩慚白雪吟行山楓樹裏千里任披襟

陳餘祠

陳廷謨

天心非屬趙奇計未應留兔鳥一時盡檐楹千古愁山
川餘霸氣帶礪矢雄敵真問將軍淚泚波日夜流

說法臺

陳廷謨

說法人何去尋幽客又來登樓雙眼爛臨水一尊開慧
潭子侵砌天花亂發臺西山如翠黛突兀白雲隈

說法臺

蔡可立

寬勝登層閣飛身迥太清殘碑留古篆老檜發新葺
水環幽砌行山入翠楹天風雲外落髮鬚誦經聲

登說法臺呈王伯后

莆中方承郁

登臺堪極目文酒此相從近水含烟澹孤城帶樹濃當
年傳祖義轉語最機鋒施食猶留蹟緡經亦有蹤斷雲
棲僻徑斜日下高峯徒倚未能去千秋送暮鐘

七言律

春日書懷

宋冠準

曾讀前書矣古今耻隨流俗共浮沉終期直道扶元化
敢爲虛名役片心默坐野禽帝晝景閉門官柳長春陰
世間事了先須退不待霜毛漸滿簪

靈臺霽月

明吳一琴

高臺秋霽月明歸銀漢無聲風露徹層閣光浮疑不夜
中天氣爽逼清輝焚香暫詣真僧話繞樹還驚鳥鳴飛
此景此宵今再得直從老衲覓機

說法臺

張舜年

新秋忽起登臨興獨步高臺晚不歸西渡僧來初入定
東溟月上散清輝銀河練色千山盡玉宇無聲一鵲飛
此景此宵難再得真從老衲叩機

題一祖臺

李日振

靈源汨沒忌分流密印西來得意秋萬法不從心外得
一言須向雪中求鑿開天地無明窟放出江湖不繫舟
衣到五傳剛解事紛紛誰更死前休

古塔清風

衛人陰秉暘

霧觀浮圖百丈餘何年結砌逼天居登臨蒸暑清風發
睥睨山河爽氣虛負翼欲遊寥廓上祛塵思到太
初
况當偃草鳴琴際解阜聲高太史書

登鳳凰臺

安謙

鷓鴣悲鳴落日催乾侯誰起鳳凰臺臺荒片月留孤照
鳳去千年未一回霽雪萬山開錦綉晴雲五色繞蓬萊
縱橫落筆驚風雨獨愧金陵李白才

登說法臺

安謙

雪霽春回柳色寒我來登眺一凭欄遠山迢遞雲中盡
香閣隆嵒從天上看西嶺煙光浮寶地東溟月色淨空壇
踏冰歸路鍾聲晚同詠風雲典未闌

登說法臺

李齊芳

八面危欄俯萬家登臨有酒對黃花憑空縱目懷遺事
下榻披襟卧晚霞北塞鴈來無尺素西方人去有袈裟
斷緣結屋終何日漳水行山郭外斜

大士居

蔡可教

選勝誰開方外境尋幽却遂老來閑翻飛黃鳥穿琪樹
潦倒蒼顏對寶山行雨幻龍檐畔宿巢松野鶴月中還
風塵萬事須拋擲穩坐蒲團學閉關

登說法臺

衛輝馮汝彰

高臺歲久碧苔深住錫真僧演法音幾見雨花飛佛宇
惟留松月照禪心上方香靄橫金界西嶺煙光疊翠岑
願得遠公能愛客常於此地滌煩襟

登天寶塔

馮汝彰

招提寶塔倚雲端勝日躋攀眼界寬千里山川芳草合
萬家煙樹夕陽殘孤高頓覺三天近蕭爽能生六月寒
幾度登臨東北望五雲深處是長安

登說法臺

永年劉如川

談經人去幾時回此地空餘百尺臺勝蹟恍疑真祖在
層軒忽喜野僧開無邊瑞色重重見不斷天香冉冉來
到此塵襟更瀟灑登高作賦媿非才

登說法臺

蔡可賢

百尺高臺百尺樓神光說法已千秋雲華入夜晴還淨
月色當空澹不流幾識真禪原有法一從講說便無休
而今杖錫飛何處獨見遊人到上頭

登天寶塔

蔡可賢

古寺荒原一徑斜寂寥孤塔鎖烟霞飛身直上三千尺
極目蒼茫十萬家忽覺清風吹鬢髮頓疑塵世隔雲沙
登臨不盡虛無盡天上遙聞演梵車

登天寶塔

吳善言

寶塔禪宮類削成玲瓏瑀戶曉風清貂裘不煖三伏日
雁塔虛題一代名衡嶽太華分氣象停雲飛霧變陰晴
未論挿地三千尺百里遙聞鈴鐸聲

大士居

袁魁

誰構珠宮掛薛羅寶幢絳節滿山河鸞音到處成金海
錫杖懸時卽鉢羅淨水照人澄滿月層臺玩世漫流波
倚巖壁立沙門外靜看浮雲白日過

登天寶塔

王來名

寶塔隆崇俯帝京
牕開八面坐來清
炎蒸未許臨河朔
午夜還期對月明
愛客老僧常進茗
忘年野叟此逃名
金鷗忽自新秋到
吹落鈞天廣樂聲

和王伯后登說法臺

王家瑞

春泮臺前漳水流
傳燈人去法難求
地當趙魏標奇處
人自齊梁作勝遊
迢遞雲山窻裏見
參差煙樹座間幽
爭傳天際花飛雨
可羨香林石點頭

秋日成安道中

傅振商

斥丘凝望半荒蕪
漳岸蕭蕭秀荻蘆
木影競隨秋水碧
村煙欲并晚霞孤
催霜宵落清砧苦
迷日雲寒饑鶩呼
攪轡頻思川後意
波光促獻困民圖

漳水新漲大風雨競度

傅振商

秋風秋雨挾秋聲
愍度乘舟破浪行
榜客浮沉急漚纜
從人錯愕欲沾纓
正襟水國疑無險
問世波濤覺不平
捫鼻洪流聊寄嘯
濁漳終不傲澄清

漳干

吳維

眼底滄桑何處論千年漳水萬家村舊垣頂作新垣此
老柳頭爲稚柳根熟馬也迷原上路歸人猶眩里中
鹿山崑谷流如許今古茫茫幾墊昏

和王伯后學博登說法臺韻

李三畏

臺畔韶華淡欲流金仙妙諦此中求諸天森晶誰之能
初地微茫憶勝遊西望嵐光夕翠靄東浮岱色曉寒收
于今仰止華嚴處何日登臨最上頭

九日登說法臺

李三畏

重上高臺眼界寬諸天深處漫爲難雲山遙遠翠峯
世事多番欲掛冠天外鴻雁幾時暮江頭露濕老
此時且飲茱萸酒過去堪尋舊日看

登說法臺和王伯后

歐陽調律

臺古臨漳任去留此中呵護彌難求西來叠嶂徒佳氣
東去煙波亦壯遊漫說雨花前代事最憐星聚座邊收
從知儒釋無多旨恬淡還須叩上頭

同秦姻喬生登說法臺

王孫昌

崇臺突兀枕漳流千載神光蹟可求
秦晉他鄉疑夢晤青藍初地訝仙遊
村莊遠近晴光映野樹高低淑景收
猶記少林登眺日依狀立雪在峰頭

漳水決後登天寶塔

王孫昌

平生僻性愛登臨此日登臨感慨深
籬落人家煙火斷松蘿僧舍水雲侵
傷秋不下午山淚嘆世俄成瓠子心
借炬何妨危磴躡長鬚扶上最高岑

重陽次日與諸詞人集霧觀寺

王孫昌

見說漳干紫氣盤伊蒲僧院借招權
天容吾黨詩投分露下高空酒破寒
祇樹經秋遺蔽蒂菊花隔夜未凋殘
山人野性無拘束短髮刁騷不整冠

登說法臺

王一芳

談經初地剏隋唐興廢無常幾
白霜殿閣凋殘巢鶴壘墟頽敗牧牛羊
衡漳數犯臺能短霽雨頰仍草自長
回首太行山氣紫令人撫景憶神光

夏日與王伯后登說法臺卽事
大梁閭紆

層臺雲樹隱漳流說法還從法外求繫我行騶纜一睨
多君移席已重遊環墻佳句毫光燦入座微風暑氣收
對酒半酣憐去住長鬚莫謾問前頭

成安君祠

喬騰甫

廟貌摧殘歲月逝荒堦老檜挺寒標悲風蔓草移今古
落日空庭鎖寂寥禋祀一方終不改英魂千載竟誰招
當年奇正如多美其奈天心祚漢朝

魯昭公廟

喬騰甫

抱恨乾侯老歲華出亡無奈魯三家數奇已兆童謡讖
謀拙終歸客喪嗟百代宮墻有瓦礫千秋香火問蕪陵
今君存古標題處枯木悲風噪暮鴉

鳳凰臺

喬騰甫

北郭臺空正暮秋綠尊開處澹雲流幾時靈鳥能重過
何日仙人肯再遊截喋邯山屏趙國縈紆漳水帶乾侯
危欄徙倚西風急衰草寒煙動客愁

斥城晚照

王從禮

烟消原野日將沉
天末流霞染碧岑
縱目欲窮千里望
回曦遙映半城陰
雁將金色來平渚
鴉帶寒光過遠林
幾處竒觀堪擬畫
令人擗筆動長吟

鳳凰臺

莫弘道

鳳凰臺砌幾時留
斷石殘文尚可求
滿目蒿萊仙馭杳
一天雲靄羽衣收
才聽輓鼓聲猶遠
北解旄馬能到西洲
忽憶朝陽誰抗疏
年來烟鎖鳳池頭

說法臺

莫弘道

寂寂空門表碧苔
忽逢九日漫登台
憑高遙望山嵐起
倚檻平臨馬陣開
一帶漳流從北轉
半空雲影自西來
卽杯頓覺襟懷潤
誰步登樓作賦才

鳳凰臺

王從禮

晚風扶醉上重阿
曲徑紆迴鎖綠蘿
靈鳥不來仙已去
古臺猶在客重過
碧梧零落寒烟積
芳草凄其夕照多
惆悵獨吟傷往事
漳流渺渺水空波

鳳凰臺

安 衆

半畝荒墟蔓草稠行人咸指鳳凰丘
憑高吊古懷遺跡對客含毫作勝遊
日下孤烟迷迥野風迴亂葉擁深秋
堪憐千載栖靈地一望蒼茫起暮愁

陳餘祠

查克鍊

古柏陰森棟宇幽將軍生氣未全收
何當漢帝興龍日史值韓侯逐鹿秋
泜水東流應寫恨陜雲北向亦含愁
于今廟貌崇千古莫問當年廣武謀

說法臺

李一德

無事還登百尺樓凭欄一眺萬家秋
村煙短樹參差出人影長途汗漫遊
千載古今空裏盡一時天地景中收
神光說法歸何許獨有衡漳滾滾流

鳳凰臺

李一德

遊人浪說鳳凰臺今古瀟瀟一土堆
出沒仙雲誰聚散參差蒿草自徘徊
彫桐帶月天光遠淡竹隨風日影來
北極聖人今久道儀庭爭羨九韶回

說法臺

李一德

古刹層臺百尺隆望中漳水遶城東舉頭頓覺雲霄近
開眼還憐宇宙空漫道當年神聽講那堪今日草成叢
尋幽不見天花落愧我塵根尚未融

說法臺

釋慧泉

峯前孤坐眼慵開佛祖非遙偶自諧頂骨換來山忽聳
風疴懣去露先推潛興訕謗真堪惜晚過屠沽衆莫驚
回首鄴都城下路春風無限長蒼苔

霧觀寺塔

勝根

霧觀寺塔
霧觀寺塔非惠遠流過蒙儒雅入招遊翠微雲薄黃花
深遠天空白雁秋騷客典豪揮彩筆酒神懷放浪金甌
浮圖突兀干霄漢也自追隨到上頭

登說法臺題壁二首

清柿人閣爾梅

炎天四野障飛埃微雨新涼眼界開策馬羅橋清滄去
扶筇梵閣濁漳來蜀葵如解安心偈楊柳親承說法臺
深窺少林遊幾度不曾拈得一花回

歲安郭外白沙湖漳水潺湲葦柳橋與翠鷺波聞潑刺

鷓音轉樹弄笙簫空山誰使光留壁寒夜寧辭雪滿腰
我亦久參無字句酒來密語屬魚樵

登說法臺二首

冀北驄

說法臺荒漳水流雨花今日香難求香厨冷落無僧住
梵刹婁清有客遊唐代浮圖雲裏見魏王銅雀檻中收
西山一望青螺翠猶似譚經石點頭

西風蕭索獨徘徊郭外尋幽眼界闊十載鹽車非伏櫪
九秋莢酒促登臺祇聞風急催黃葉淨土霜凝冷碧苔

極目蒼茫烟水濶歸鴻飛帶洛霞來

衡漳水患二首

冀北驄

半夜桑田變濁波濤聲震耳起漳河當年尚覺平疇少
此日翻嫌負郭多歲月難消頻檢曆金鸞告匱數催科
知音諒少琴將典腸斷西風鬢已皤

十頃汪洋雪浪翻厭聞離職日敲門沙堆遠浦淤禾穎
波撼長隄印水痕課歲有懷供賦稅逢年無望慮饑殍
眼前洶湧聲雷吼人世風濤可並論

詩餘

西江月題鳳凰臺

唐呂岩

日落烏啼人靜風吹滿面松花道人邀我煮新茶蕩滌
胸中瀟灑世事不堪回首夢魂猶遶天涯鳳凰臺畔卽
吾家管甚明朝今夜

和呂翁

明賈恭

收拾芒鞋竹杖相邀月友風賓鳳凰臺上共芳尊醉卧
沙床石枕煮酒旋狀爐火烹茶常取天津呂公是我
中人堪笑廬生夢寢

和呂翁

賈二策

脉脉仙詩記省分明許步巖廊鳳臺今果屬身驅臺上
曾經仙降仙鳳微茫何處耕樵盤踞臺傍從來鳴鳳在
朝陽還憶黃金臺上

次呂翁韻

王孫昌

雲路風高鶴背空山遠近飛花旋獻石火下烹茶一味
淡中瀟灑酒貫酒纔離江上尋真又到漳涯鳳臺信宿作

仙家消受梧桐清夜

卷之十二

古蹟

居今遐邇古之人往矣當年蹤蹟愴恍在羨草寒
烟中樵牧往來不顧惟博物耽幽者杖屨所經徒
倚徘徊焉儒者好古有自來矣成安吉蹟半付漳
流今蒐之簡策識之文獻索之鄉遂故老其可稱
述者得十三焉併先後賢述之墓載之後之視今
亦何殊今之視昔哉

衡漳故道在漳河集等村即大禹治水所至處

乾侯驛在縣治東今廢

昭公廟在城東北一里知縣劉永脉立石

成安君祠在縣治西北預備倉後今改書院西

說法臺在城南二里匡教寺中隋時築明嘉靖己未

邑人建閣其上萬曆三十一年知縣劉永脉重修

鳳凰臺在城北五里舊傳有鳳凰集其上呂純陽赴

邯鄲時曾登此題西江月一闋詳藝文萬曆三十

三年知縣劉永脉重築四十二年知縣李一畏建

呂仙祠於上

唐塔在城東北十八里閻村店霧觀寺相傳唐天寶

年造

清順治十一年塔崩十五年重修至康熙六年始成

寇公廳宋寇萊公準知成安時與民期會賦役處今

忠愛堂是也

洪鍾在城東南隅舊懸儒學櫺星門內金大定十七

年太平興國禪院鑄

石獅在儒學前門左右元泰定三年二月辛未日彭

城趙氏置滄源石匠史通造

古井在城東里許今沒於漳

蚩尤塚見文獻通考今沒於漳

八景舊志四後增爲八今仍之然洪鍾天齊井甚大

觀聊脩點綴云

太行遠翠

城西太行空青如屏幃每當新霽及秋空木落時登

高遠望則鬱葱佳氣縹緲而干霄者紫山也團聚

盤結嵯峨突出者鼓山也西來秀色可畫可餐不

必躡屨拄杖而登臨在眉睫矣

漳柳晴烟

漳水在城南繞堤皆柳春日清明輕烟薄霧望之

如織固有騷人把之而盤桓離客折之而歛歎者

更河水漸流其下野鳥間關跳擲不定可携雙楫

斗酒聽之

法臺霽月

即說法臺也臺上有閣暇日登之眺西山之疊翠
俯萬頃之茫狀及耀靈匿景望舒吐光仰河漢而
低徊失天地之高下當斯時也誠有心曠神怡莫
知所以狀者

古塔清風

鄧閻村店霧觀寺塔也其高千尺俯眺百里紅塵
不到清飈徐來颼颼兩腋頓起脩脩六月猶寒恍
忽若跨風雲上太清遨遊乎寥廓之宇而不復知
其爲人間世也

鳳臺瑞靄

城北鳳凰臺雖丘垤僅存味呂仙之詞足徵風致
嗟乎鳳去臺空仙行祠在俛仰之間已爲陳蹟矣
把酒臨風吊之猶可于野霧寒雲朝暎宿莽中想
像當年祥異

斥城晚照

俗傳云斥之西城蓋有晚照焉謂日既沒矣而去
城東三里許猶顧見樓堞之景此怪誕不足信若
夫返照將歛孤城半紅烏鴉歸而不盡野色冥而
若浮則亦有足觀者焉

漢張耳墓在城東北三十里北珠村東没于漳志石
尚存在北珠關帝廟內字雖剝蝕猶有可考者

宋禮部侍郎王明墓

龍圖閣直學士王廣淵墓俱在城東南一里

明都御史史鑑墓在城東北三十里

都察院右僉都御史吳善言墓在城東十五里

都察院副都御史魏博郭思極銘曰於維吳公爲國

撫臣堅持冰蘖夙夜惟寅不吐不茹允文允武詰

兵覈餉幹國之蠱誰爲厲階訛言啟釁直道猶存

捫心無恨姑蘇治平卓冠宇內帝曰嘉哉風我有

位赫赫勛名穰穰福祉壽考令終繫多鬻子赤正

之阜鎡彩埋光公神攸慰百世其昌

太僕寺卿王宮用墓城東南三里

戶部尚書褚鐵銘曰吁嗟王公幾輔之英三爲守令

清惠有聲藩臬屢更勳勞炳耀屢正奉公馳爾權

要二十八載始躋僕卿三月致政高節完名爰及

夫人勤儉孝友惟德之行於今罕有恩襲三代存

沒允光我銘諸石百世流芳

平陽府知府張潤身墓在城南二里

翰林院修撰李維禎銘曰維爾長才維爾高峙兄難

爲弟父不得子位居弟次一間而已十有五年亦

孫父齒以仲仲氏爲伯伯氏爾弟爾父於爾手死

爾沒牖下叔不及視我思先民或不逮爾或爾相

類是亦衆矣以爾血食子不必已以爾有聞其文

則史漳水之濱夏陽之里魂歸來兮聚族於此

山東叅政蔡可賢墓在城東南三里

少師中極殿大學士申時行銘曰剗犀之蹻不以截

鉛函牛之鬲不以烹鮮宏畧瑤材而俾屯邇持斧
握籌出入戈鋌馴暴鋤克有聲鞠狀旋起旋仆卒
以永捐公豈星精其神麗天鐫石闕詞以寧其所
戶部主事安謙墓在城東南三里

同邑進士袁魁銘曰猗與先澤兮公其本支鵬翻迅
振兮鳴於赤墀上應列宿兮政牟子奇傳循吏者
採兮有吳之碑刻厄於地曹兮朝野冤之縱酒賦
詩兮竹林可追旣禧孔延兮自天佑茲全歸化
今庶不愧而痊爾銘石兮厥聲永垂

杭州府同知李果墓在城南三里北陽有知府秦夏
悅碑

開封府推官王來召墓在城西南一里

同邑主事安謙銘曰有懿王公天錫敏才弱齡
斐狀可裁旣魁畿甸名亦播只孰謂戴氏今
及開封筮仕折獄明刑園土無冤民乃實寧
注濊報之罔極幽幽九原哭死者銘爾斐詩

孤疇撫爾幹如與何乃悴僕謂天無知胡爲來哉
謂天有道云何其災我綴銘章瘞爾幽里百世而
下考公全履

陽曲縣知縣袁魁墓在城西南一里

同邑進士吳維東銘曰以甲第今胡以令田惟直道
而事人者爲朕公亦何憾而不與孺人即安於是
以俟爾瓜瓞之綿綿

陝西副事吳維東墓在城東十五里

文部主事魏博徐楠銘曰世德孔綿而科名孔馨
可券也精光孔涵而聲實孔喧天未盡驗也而孰
知乎令聞無斃命之大年桂蘭吐芬真神已傳望
此松楸而改容焉其以生色於山川

臨洮府同知冀弘道墓在城西一里

同邑門人御史陳廷謨銘曰雄文蔚朕備伐魏朕
皎素節更玉潔冰寒凡擅長於人者先生獨居真
易若夫青雲路阻黃堂位偏先生又蓋處其難胡

狀而人胡狀而天吾不謂狀吾祇信流芳襲慶大
發於階桂庭蘭先生之精神命脉與造物而高緝
勒茲玄室偕配永安

河南道御史陳廷謨墓在城南十五里

叅議滄陽胡福弘銘曰嵩嵩曜霽孰升沒之晶晶望
舒孰滿缺之於皇柱史光分日月東隅揚休西陸
景烈胡豐其才胡齋其年峩漳源陳公之所

孝子陶盤墓在城西北十二里有教諭朱子光碑

烈婦劉氏墓在城南三里

同邑叅政蔡可賢銘曰謂山蓋高而下郤汝之節謂
水蓋清而謝郤汝之繫汝骨柔而志堅如鐵身歿
而名揭如月汝惟重此綱常是以輕此生滅胡彼
丈夫或有悖德視汝婦人宜膽喪而心裂我爲勒
辭表諸墓碣庶幾後人永爲軌則

河南布政司右叅議侯君墓在城南二里許

刑科都給事中陳州楊鎮原銘曰才華炳蔚節烈

堅專城領郡利興害蠲際黃池於匝地指赤胆以
天天寧守義而玉碎耻偷生以充全使非涵養
定安能託青史以爲棺恩榮鳳誥光賁牛眠雅
永息以俟爾後昆之綿綿

成安縣志跋

王使君禮南和張君修縣志成已序

矣復以昌同事斯舉不可無言以跋

于後昌拜手稽首曰昌不文烏能有

言狀竊嘗聞之矣志有三觀而近於

道綜古今核名寔訂叢驗識可以觀

學文以載事事以考籍褒貶必真臧
否以之義例燦焉可以觀政信近遠
昭勸懲有類乎史可以觀世昔者聖
人之刪述也曰予志在春秋又曰知
我罪我其惟春秋其說禮也又以杞
宋爲不足徵何也國非文不興也邑

固國也文以紀之學闡政立因志以
彰民興於行故曰可近於道故以道
爲政則其政舉以政爲學則其學確
以學爲文則其文摯以文爲志則其
志信使君之治成安也幾再造其敬
神禮士愛民也又不匿其情故其志

發微洞遠本之政擴與抉幽根之學
嚴例比義祖之史摘精挾萃歸之文
考規合則範乎世昌讀而喟朕曰使
君知道哉一志而四善有焉張君之
有作要皆使君之教也况昌之與諸
大夫士分蒐旁采操鉛槧而從事于
後焉者哉

康熙癸丑秋八月既望

儒學訓導澧水要胤昌拜題





